

روايات رومانسية تأملات قلب

مذكرات زوجة حزينة

يكتبها
الأخيرة
محمد المنسي



مذكرات زوجة حزينه
محمد المنسي

حكاوي الكتب للنسر الالكتروني

www.hakawelkotob.com

حكاوي الكتب
www.hakawelkotob.com

تصميم: فاطمة الزهراء

1 - الثلاثاء 2005/11/1

.. مش أول يوم تحصل فيه خناقة بيني أنا وزوجي ، لكن الكلام إلا سمعته منه النهاردة حسه فيه
حاجة غريبة ..

.. ديمًا لما كنا بنتخايق كنت بحسه بيخاف علي مشاعري واحساسي .. لكن النهاردة حسيته واحد
تاني مكنتش اعرفه ..

والا خلاني اكتب النهاردة أول يوم فمذكراتي .. يمكن لاني مليش حد فعلا اتكلم معاه فال بيحصل
فحياتي ..

اصعب حاجة لما تلاقي الا بتجبه بيهينك ..

والاصعب انك تكون فاصعب ظروفك الصحية ..

الكتب
www.hakawelkotob.com

باختصار النهاردة بس اكتشفت ان زوجي متغير معاية !!!

2- الأحد 2005/11/6

.. فات من اخر يوم كتبت فيه خمس ايام .. طبعاً كانوا 55 ايام كلهم مشاكل وشد وجذب بيني وبينه .. وبصراحة اني محبتش اكتب عشان مش عايزة افكر كل ال بيحصل معاية منه ..
يعني امبارح مثلاً ، كان نفسي اني اقعد انا وهو نتكلم مع بعض ..

كان نفسي اسمع منه زي قبل كلامه فالحب عني ..
.. لكن كان راجع من شغله مخنوق ومضايق ولما حاولت اني اخرجيه من حزنه وضيقته .. اتفرز عليا وقام وسبني ..

.. ومنكرش اني كمان اتفرزت معاه .. ووقفت قصاده عشان تنتهي جلستنا للاسف زي كل مرة ..
مختلفين .. وشايلين من بعض ..

.. المؤلم فالحكاية انه كان ديماً متعود ميخلنيش انا ودموعي فعنيه .. لكن دلوقت اتغير تماماً معاية ،
وبقه اشد قسوة من اي مشكلة عديت علينا ..

.. المؤلم أكثر فالحكاية ان بنا قصة حب عمرها أكبر من عمر ابننا متبقاش منها فحياتنا غير بس المشاكل والاختلاف ..

انا نمت ودموعي علي خدي ..

وهو فضل طول الليل صاحي ساكت ميتكلمش !!

3- الاثنين 2005/11/7 .. (اهتمام ...)

.. يوم واحد بس ورجعنا من ثاني لنفس دايرة الاختلاف والعناد وسوء الفهم ..
.. دايرة فظيعة ومؤلمة .. تحس فيها انك بتموت بالبطيء .. وان قلبك بيتفتت لاجزاء .. وان مشاعرك
بتخلص زي شمعة منورة فعز ليل ..

.. منكرش اني المرة دي كنت السبب فالاختلاف ..
ومنكرش برضه انه المرة دي كتم انفعالاته عني .. وكان تعبيره الوحيد لكل ال قولته .. سكوت مش
أكثر ..
ويمكن رد الفعل ده هو ال خلاني ازيد فانفعالاتي معاه ، وكلامي واسئلتني ..

.. تصرفاته معاية كمان حاجة تجن وتخير ..
سكوته معاية .. وانفعاله الدائم .. وتعليقاته المستمرة علي تصرفاتي .. واتهامه ليا بقلة اهتمامي له ..

الاهتمام ..

اد ايه الاحساس ده مطلوب وضروري ..

اد ايه مؤلم انك تحس بوحدتك ووجعك من غير ما اقرب حد ليك يطبطب عليك ويسألك مالك ؟ فيك ايه ؟

الشيء المؤلم

ان طرفين العلاقة يدخلوا فدايرة الاسئلة المحيرة
وانتظار لحظة ان يعترف حد منهم بغلظه اتجاه الثاني ..



4- الثلاثاء 2005/2/8

لما طرفين العلاقة يدخلوا فدايرة الاسئلة المحيرة ..
وانتظار لحظة ان يعترف حد منهم بغلظه اتجاه الثاني ..
يمكن دي اصعب ايام ممكن يعيشها انسان فينا ..
ايام مؤلمة .. بتحس فيها انك ملكش حد .. وانك وحيد بائس ..
وان قلبك ال عاش سنين يدق ويعيش لانسان انت حبيته كل الحب ، بقي دلوقت ساكن .. ميت ..
مبيدقش ..

لما طرفين العلاقة يعيشوا وهما غرب عن بعض فبيت واحد ، بعد قصة حب طويلة ومشوار كفاح ..
فده الألم فحد ذاته ..

www.hakawelkotob.com

.. معرفش ..

هل دخلت حياته إنسانة ثانية غيري ؟!

هل قلبه دق لحب غيري ؟!

ولا انا مبيقتش اعجبه بعد ما خلفت منه ابنا وبقيت ام العيال ؟!

هو بيقول ديمًا ان اعصابي مشدودة ، وان ديمًا مش بعمل حساب للظروف ال هو فيها ..
بس انا حقيقي من جوايه بتألم ..
ببكي ..

والأصعب .. مش مجرد احساس بالالم ..
الأصعب فالموضوع انه للأسف حتي دموعي ماعدش ياخذ باله منها ..
واضح اني ، .. بقيت احبه لوحدي ..
وان قلبي ماعدش له فالدنيا شريك غير بس هي مذكراتي ال بحكي فيها حكايتي ووجعي !



5- الجمعة 2-11-2005

..فات يومين من اخر كتابة انا كتبتها .. يومين صمت وحيرة .. ووحدة ..
.. كل لحظة كانت بتعدي علينا فاليومين دول ، كانت بتبعدنا أكثر عن بعض سنين ..
.. منكرش اني حاولت اقرب له .. وان حاولت اتمالك اعصابي خصوصا وهو فالغالب مش بيستحمل
مني كلمة او استفسار ..
.. الغريب النهاردة ، ان مقدرتش اكل فصمتي ال 48 ساعة ال فاتوا .. وعشان كده بدات اتكلم
واعلن عن جنوني له ..
سألته عن سر معاملته الجافة ليا ..
كان جوابه ان اسلوبي كثير مش بيعجبه .. وان اتهامي المستمرة له بالخيانة والاهمال ، هي السبب
ورا ضيقته وغضبه الشديد مني ..
كان كلامي معاه اني حبيته حب ملك علي روحي وتصرفاتي واني وحيدة ومليش حد يخاف علي
فالدنيا غيره ..
وكان جوابه ليا انه اتخنى حقيقي من تملكي وسيطرتي ..

بكيت .. وانهارت الدموع من عيني ..

حاول انه يهديني وانه يشرحلي ال يقصده من كلامه ..

لكني .. انفعلت ..

.. انفعلت وطلبت منه - وبدون تفكير - اني اسيب البيت واروح عند اهلي ..

.. يومين اهدي اعصاي .. يمكن اوحشه ويطلب قربي ثاني ..

.. ويمكن كمان يحس بالنار ال انا فيها من معاملته ورفضه لوجودي وتصرفاتي واسئلتني ..

.. انفعل لكلامي وغضب ..

.. ووصل الأمر انه .. انه مد ايده عليا وضربني بتهور وجنون وغضب ..

.. ويمكن ده ال خلاني ازيد فرغبتني ان امشي ..

مكاوي الكتب
www.hakawelkotoob.com

.. حاول انه يمنعني ..

بس انا رفضت وكان جنوني اني قولتله ان برفض ان اعيش معاه فبيت واحد ..

.. كان جنوني وسخطي وانا بقول كده اقوي مني ومن تفكيري ..

.. وفتحت باب الشقة ونزلت بابني الصغير ال مكملش 3 سنين من عمره ..

.. ويمكن كانت اخر حاجة شوفتها قبل مقفل الباب وراية وامشي ..

.. انه كان قاعد فالانترية بيبصلي وهو ساكت ..

.. كانت عنيه بتقولي حاجات كتير .. أكثر حاجة فهمتها ..

.. انه كان غضبان جدا ..

وانه كان حزين مني فنفس الوقت !!!..



6- السبت 2005-2-19

.. كنت مفكرة اني لما اسبله البيت وامشي هيدور علي وهيجيني يصالحني ويرجعني تاني للبيت ،
لكن للأسف لا سأل علي أو حتي جاني ..

.. ويمكن بكتب كلامي ده دلوقت من بيتي بعد ما رجعت .. رجعت لوحدي ، مكسورة ..

.. قابلته ، متكلمش ..

.. ولا سألني جيت ازاي او سبت البيت ليه ومشيت ..

كنت بحاول اداري دموعي ..

بحاول ابان اقوي من اي لحظة عدت ، رغم اني عارفة ان مليش وش او دم بعد مارجعته وكنت
المفروض افضل فمكاني وهو ال يجيني يصالحني ..
www.hakawekotob.com

.. ودار سكوت بيني وبينه أكثر من ساعة ..

انتهى بانه صرخ في وهو يقول انه كان ممكن يطلقني بعد مامشيت وسبته البيت ، وانه ممكن كان
ميخلنيش ابات فالبيت وانه يرجعني تاني لاهلي ..

لكن علشان بس انه عامل حساب لابننا هيسكت المرة دي وهينسي كل ال صدر مني غلط فحقه

..

وبنبرة حزن شديدة طلب مني اننا نكمل حياتنا كاتنين صحاب مش أكثر ..

.. ودخلت اوضتي وجوايه حزن وانكسار أكثر من قبل ..

وعلشان منفجرش من جوايه واموت كان علاجي ان امسك قلبي دلوقت واسجل وجعي ال بعيشه
!



.. يمكن النهاردة بس شوية رجعنا نتكلم زي قبل ..
قبل ما نتغير .. ونبقه علي طول فمشاكل وخلاف ..
.. اعترفله انه وحشني كثير طول الفترة ال سبت فيها البيت ..
واعترفلي هو كمان اني كثير وحشته ..
قولته اني قصدت ابعد الفترة دي علشان يحرم يزعلني ثاني او يجي علي او يهني او يضربني ..
ورفض بشدة اتهمي له بالضرب والاهانة .. ورجعنا واختلفنا ثاني ..
هو اتمسك برايه فغلطي ان سبت البيت ومشيت ورفض اي محاولة للصلح بنا ..
اه هو اعترفلي اني وحشته ، واني قصة حبه ال مش هتتكرر ثاني .. لكنه مع ذلك حزين مني
ومجروح ولا يمكن انه يغفرلي غلطي دي ابدا ..
قولته ان كثير اعصابه من الشغل مشدودة .. وان كثير انا مش مستحيلة معاملته ليا ..
وكالعادة قامت بنا الخناقة اليومية .. خناقة واختلاف كل يوم ..
.. لكن المرة دي الموضوع كان اصعب من اي مرة ..
.. المرة دي حاولت ان اموت نفسي .. ان انتحر .. ان اخلص من حياتي معاه للابد ..

.. وجريت علي المطبخ وحاولت ان اطعن نفسي بالسكينة .. كل ده وانا فتهور وغضب وببكي ..
.. جري وراية ومسك بايدي .. فكرت انه هياخذها مني ويخضني فحضنه ، لكن للاسف لقيته
بيتهور علي ويضربني الم ورا الم ورا الم ..
لحد ما لقتني بترمي فحضنه وببكي وبصرخ بترجاه يرحمني ..

.. معرفش ايه ال وصل الحياه بنا للصورة دي ..
.. حسه اني فكابوس فجهم فعالم ثاني كله قسوة وضرب واهانة وعدم تفاهم وعدم احترام لادميتي او
شخصي ..

.. معقولة الحب ال بنا يموت بالسرعة دي ..
.. حب العمر ..
.. طب ايه تفسير كل ذكرياتنا سوا هل كانت حلم ؟! هل كانت وهم وانا بس ال صدقته ؟! ..

معرفش !!

.. لم رجعتله ثاني ، اكتشفت ان البعد مش غيره ..
.. انا حسه اني انا بس ال عايزاه .. اني بس ال بحبه ، وعايشة علي ذكرياتنا الجميلة ..

.. جوزي ده حب عمري ، محبتش غيره ، والمفروض انه كمان كذا محبش غيري ..

.. اول ما يفتح عينه مش يشوفني ، ولا بياخد باله مني او من ابننا ..

.. النهاردة كنت هموت نفسي وهو منعني ..

.. وضربني ..

.. ويمكن دلوقت المفروض فعلا اسيب البيت ومرجعش تاني واطلب الطلاق ..

بس ابني دلوقت هو املي الوحيد .. مش قلبي ..

.. الحب انك تستحمل علشان حاجة منك تعيش حياتها سعيدة ، وانا هستحمل علشان ابني بس يعيش حياته سعيد ..
www.hakawelkotob.com

.. ورغم تعبي من جوزي ، ورغم وجعي ..

بكتب كلامي ده النهاردة علشان اقول لنفسي اني تعبت ..

.. وعلشان اعترف علي الورق اني بحب جوزي اوي ، ونفسي يرجعلي تاني حبيبي قبل جوزي ..
واخويا قبل ابويه ..

.. طبعا هتستغربوا ال بحكيه .. وهتستغربوا ال بقوله دلوقت ..

.. بس انا حقيتي مليش اي ذنب فالدنيا دي غير اني بحب جوزي ويس ..

.. ومش بفكر فاي حاجة فالدنيا غير انه يرجعلي زي زمان ..

حبيبي ..

والي لقاء في خناقة قريباً ..



8- الاثنين 13-2-2015

انا مش عارفة ابدأ ازاي ..

بس انا عارفة ان عندكوا حق اني لازم اسويه وامشي ، لكن مين فالوقت ال احنا فيه ده هيستحملني
انا وابني ..

.. اهلي ال سابوا ليا حرية الاختيار من الاول ، وال انا اتحدثهم واتحدث نفسي علشانه .. مفيش
حد ..

ده انا ال متأكدة منه ..

.. دلوقت بس بدفع التمن ..

.. تمن جوزي ال للاسف مليش غيره دلوقت !..
www.hakawekolob.com

.. مش عارفة مفيش حاجة بتأثر ، بس اخر مرة كنت هموت ، وهو مش فارق معاه ..

حتي انه يخدني فخصه بالكذب !..

انا اكتشفت اني مش فارقة معاه وان وجودي من عدمه مش بيحس بيه ، ويمكن علشان كده
قررت اعيش لابني بس ..

ومش هعتبره من اللحظة ال بكتب فيها كلامي دلوقت جوزي ال انا حبيته ..

.. عمري مسامح نفسي علي اختياري ده ، واني اخترت لابني اب قاس بالشكل ده..

.. انا فعلا ابتديت احس ان في حد ثاني فحياته ، والاحساس ده يوم بعد يوم بيزيد جوايه ..

.. ياريتة يتكلم ويحكي ال جواه ، وال هو حسه ..

انا قبلت بالتضحية علشان ابني يعيش كويس ..

وهقبل باي شيء فالدنيا مهما يكون ..

حتي لو كان الشيء ده خيانتة ليا ..

.. والسبب ان ده اختياري له من الاول ..

الاختيار ال اتحدت فيه نفسي والدنيا ..

.. ولو كنت اعرف ان كل ده هيحصل مكنتش عمري عرفت الحب او حتي حبيته او قربت عليه

..

.. احنا دلوقت اتنين اغراب عايشين فبيت واحد ..

.. بمشاعر انتهت من ماضي فات ..

انتهت وماعدتش هترجع ثاني !!

والى لقاء في خناقة قريباً



9- الثلاثاء 14-2-2015م - الأخيرة .

.. عرضت عليكم فالحلقات السابقة 8 ورقات من دفتر مذكرات زوجتي الفاضلة ..
.. ونويت وانا بعرضها عليكم اني معدلش فيها اي حرف واني انشرها زي ما اتكتبت بالظبط ..
بجلوها ، وبمرها ..

.. طبعا هتستغربوا ان المذكرات دي وقعت فايدي واني بنفسني بنشرها عليكم .. وكم ان بستني رد
فعل كل حد يقرأها ..

.. اد ايه مكنتش مصدق كل حرف وقع فايدي وقرينه وعرضته عليكم ..
.. اد ايه مكنتش اتخيل ان حبيبة العمر وشريكة حياتي ممكن انها تشوفني بالصورة الفضيعة ال
كتبت بيها سطورها عني ..

.. حقيقي بستغربها ، وبستغرب نفسي قبل كل شيء ..
.. حقيقي اني حزين ، ومن جواية بحاول اكذب عيني واصدق قلبي ان زوجتي لسه بتحبني ..

.. طبعا كانت صدفة ان اشوف مذكراتها واقراها ..

لكن السؤال ال خطر فبالى هو ال شجعني ان كمان انشرها ..

اد ايه كل واحد مننا ممكن انه يكون مقصر جدا فحق زوجته ومش واخذ باله ؟!

اد ايه كمان الزوجة ممكن تكون بتظلم زوجها وهي كمان مش واخدة بالها ..

.. مهما اقول .. ومهما اكتب

مش هقدر اعبر عن الاحساس ال بعيشه دلوقت بعد ما قرئت كل سطر كتبتة عني بخط ايديها

..

.. يمكن بس شريط الذكريات ال بيعدي ادام عيني دلوقت هو ال يبصبرني ويقويني علي الوجع ال

بعيشه وهعيشه وهيفضل جوايه ..

وجع الفشل .. او وجع الحب ال بجد ..

الكتب
www.hakawelkotoob.com

.. ممكن اكون اذنبت فعلا لما اتهورت عليها بالضرب ، لكن وقبل ماتحكموا علي .. ممكن تسألوا نفسكم

سؤال :

ايه ال ممكن يوصل راجل انه يد ايديه علي زوجته ؟!

هي كتبت فذكراتها اني جيت عليها كثير ..

لكنها نسيت تكتب اني كمان صالحتها اكر ..
واني كمان بكيت فحضاها لما حسيت بذنب ال عملته فحقها ..
زي ما يقولوا كده الضغط بيولد الانفجار ..

ضغط اتهامها لي المستمر بخيانتها او الاهمال فحقها ..

ضغط الغيرة الشديدة ..

ضغط الرغبة فالتملك ..

ضغط الرغبة فالحب بصفة مستمرة ..

.. وعشان كده كان انفجاري ..

.. وعشان كده كمان كنت بهدي واصالحتها وارضيتها ..

.. بعد تفكير ..

وبعد طول تدبر فالموضوع ..

.. اكتشفت اني كثير مننا عايشين وهما مش واخدين بالهم انهم السبب الرئيسي فخرج ووجع حد
بيحبهم وبيتمني لهم كل خير ..

.. اكتشفت كمان ان كثير مننا لما بينجرحوا بينسوا كل حلو فحياتهم للابد بدون غفران او تسامح ..

.. هي كتبت انها بتحبني ..

وانا بكتب دلوقت اني كمان بحبها ..

هي كتبت ان حياتها من غيري متنفعش علشان ابننا يعيش حياة كريمة ..

وانا بكتب ان حياتي من غيرها متنفعش لانها كل دنيتي .. وكل اهلي .. وكل نفس يطلع مني ..

هي كتبت مذكرات زوجة حزينة ..

.. وانا بكتب ، اني اسف لحزنها .. اسف اني وصلتها للمرحلة دي ..

الحزن !

- تمت بحمد الله -

الاحداث من وحي خيال المؤلف اشكركم لمتابعتي ..
اسعدني وجودكم بشدة..

مكاوي الكتب
محمد المنسي
www.hakawelkotoob.com